


# Paxlovid

(Fakaleo 'pax-low-vid')



Ko e age e Paxlovid ke he falu tagata ke keli aki e gagao uta fano ko e COVID-19. To liga lagomatai a koe ke malolo vave moe nakai uta kehe fale gagao.

Ko e ua e vai ke tului aki e gagao uta fano nei ne taute aki e Paxlovid. Ka inu aulua, to hifo ki lalo e numela he gagao uta fano nei i loto ia koe. Mitaki ni e Paxlovid kaeke ke inu to hoko 5 e tau aho he moua e koe e gagao COVID-19 ti ko e tau ekekafo ka fifili kua lata mo koe e vai nei poke nakai lata.

## Ko e inu he Paxlovid: Inu 3 e sega lagaua he aho ti 5 e tau aho katoa ke inu ai



### Tau mogo pogipogi oti

Inu 2 e segavai lanu kulakula  
**MOE** 1 e segavai sea



### Tau mogo afiafi oti

Inu 2 e segavai lanu kulakula  
**MOE** 1 e segavai sea

Ti taute oti e tau inu aga nei,  
ko e **5 e aho**.

Maeke ke inu e tau segavai nei  
mo e kai taha mena kai poke  
nakai fai mena kai.

Nakai lata a koe ke fakaoti  
e inu he Paxlovid kae nakai  
tutala moe matakau leveki  
malolo tino haau, ti pete kua  
fai mitaki he logona e koe.

## Talaage ke he matakau leveki malolo tino haau e tau vai tului gagao oti ne fae inu e koe

**Na fai vai tului gagao ne nakai fio moe Paxlovid ti kaeke ke inu fakalataha to liga fai kelea lahi ka tupu mai ai.**

- Talaage ke he ekekafo haau poke tagata gahua he fale ne moua mai e tau vai tului gagao kaeke kua fa inu e koe poke kamata laia ke inu e tau vai tului gagao, moe tau vai ne moua aki e tohi fakaatā moe tau vai fakatau, moe tau vai laukou (tuga e St. John's Wort).
- Nakai inu ha vai tului gagao foou kae nakai talaage ke he matakau leveki malolo tino haau. To maeke he matakau leveki malolo tino haau ke tala atu kia koe to mitaki nakai e Paxlovid ke inu fakalataha moe falu vai faka malolo tino kehe.

## Kaeke kua fai fafati kua nimo e koe ke inu

- Kaeke kua nimo e koe **to hoko 8 e tulā** he mole he magahala kua fafati, fakamafiti ke inu ka manatu e koe.
- Kaeke ke **molea e 8 tulā** he nimo e koe, tiaki e tau tega vai ke lata moe fafati ia kae inu e tau sega mae fafatiaga foou.
- Nakai lafi ke inu ha fafati foou ke lata moe fafati ne kua nimo e koe.



**Ko e tau kelea fa mahani, nakai fa kelea tumau moe tau kelea lahi ne tohia he laupepa na i mua**

## Ko e fatu ka koe poke lali ke fai tama mukemuke?



Kaeke kua fatu a koe, ka manatu a koe liga kua fatu a koe, poke amaamanaki ke fai tama, nakai inu e Paxlovid.

Huhū ke he ekekafo haau ke fakamaama atu ha ko e nakai lata ke inu e Paxlovid he magahala ka fatu a koe.

Kua lata e tau fifine ke nakai fatu (fakaoga e tau puipui aga ke nakai fatu poke nakai taute mena ke fatu) he magahala ka inu e Paxlovid moe 7 e aho he oti e tau tului he gagao utafano nei.

### Mena mitaki lahi ke fakaoga e tau puipui ke nakai fatu

Kaeke ko e inu sega vai ke nakai fatu a koe, fakaeneene fakalahi neke fai kelea ka moua mai ha koe Paxlovid.

Kua fakamaō atu ke nakai mohe moe tagata taane, poke fakaoga e tau puipui ti pihia moe tau puipui fa mahani ne fa fakaoga e koe ke nakai fatu, he magahala ne inu e Paxlovid moe 7 e aho ka oti e tului he gagao utafano nei.

Huhū ke he ekekafo haau poke tagata he tau fale ne moua mai e tau vai tului gago ke tala atu e tau mena kua lata ke taute.

## Ko e fakainu aki kaa e huhu haau e tama mukemuke?

Nakai lata ke faka inu e tama mukemuke he huhū haau he magahala ne inu vai ke tului aki e gagao nei ti pihia moe 7 e aho he mole e inu he fafati fakahiku he Paxlovid.

Talaage ke he matakau leveki malolo tino haau ko e inu e tama mukemuke he huhu haau TO KAMATA a ko eke inu e vai nei.



Ke moua foki falu fakailoaga ke lata moe Paxlovid, kumi atu ke he pepa hila atulese [hn.org.nz/paxlovid](https://hn.org.nz/paxlovid)

## Na fai kelea tumau ne lafi mai he tau vai tului gagao oti

Fai kelea ka lafi mai ha koe Paxlovid, kae nakai lauia e tau tagata oti.

### Ko e tau kelea ne fa mahani ke lafi mai

Fa mahani ke nakai kelea lahi ti galo ka mole e tau magaaho poke ka oti e fakaoga he vai nei. Talaage ke he ekekafo haau kaeke ke lahi e kelea kua lauia a koe moe nakai galo kehe:

- Holo pukepuke e tau fakavao (diarrhoea)
- Fa kokō (vomiting)
- Hiki e tau mena kua fia kai.

### Nakai tumau, kae fa fai kelea lahi ka lafi mai

Kumi atu ke he matakau leveki tino haau poke **Healthline he numela foni 0800 611 116** fakamafiti kaeke ke kitia moe logona e koe e tau kelea ne lafi atu ti talaage ko e inu a koe he Paxlovid:

- **ko e tau kelea he tino haau tuga e:**
  - fufula vela e kili tino
  - fufula poke fua e tau fefe mata poke viko he tau kili mata i fafo, fofoga he ulu, tau lau gutu poke alelo
  - okaoka e fatafata moe uka ke fafagu.
- **ko e tau kelea he ate vili tuga e:**
  - ago e tau mata moe kili tino
  - uli e fakapala
  - mamahi moe nakai mitaki a luga he manava.